

Tennisclub
OLYMPIA
Rümlang

www.tc-olympia.ch

Unabhängige
**Hauszeitung des
Tennisclub Olympia Rümlang**

Ausgabe Nr. 89 SAMICHLAUS
(Erscheint unregelmässig)

Agenda



**Nikolaus fällt
dieses Jahr
aus.**

**Als gelehrter
Türke darf er
das Land nicht
verlassen.**

**Samichlaus glaubsch das mich das irritiert.
Frühner hätt d'Iris no uf em Platz trainiert.
Jetzt tuet Sie kei Bäll meh schlah, höchstens
e chli fuul umestah.**

**Sie verzichtet uf e grossi Tenniskarriere,
dänn am liebste tuet Sie halt no immer Gäld
kassiere.**

**Samichlaus i han e Frag:
säg, was machsch du egetli so jede Tag?
Flügsch im Summer wie de Toni au devo,
uf en einsami Insle irgendwo?**

**Oder lisch mit de Badhose wie de Franz det am
Strand,
und häsch es Schoggiglacé i de Hand?
Oder gasch garamänt zwüschedure no go Tennis
spiele?
Oder tuesch wie de Roli, nach schöne Fraue
schiele?**

**Samichlaus du guete Maa chasch
d'Fitze no di vorne la. Ja ich dänk du
muesch si gar nöd gross versorge,
dänn de Roli macht mir no chli Sorge.
Eimal spielt er wie en Meischer und
s'andermal vertriebt alli Geischer.**

**Samichlaus chumm pack die
Sache us, dass ich immer lieb
gsi bin, das wüset alli da im
Huus.**

**Ich bin mit allne guet gsi, das
weisch du doch bestimmt,
dänn ich weiss wie meh sich
benimmt. Uf em Tennisplatz da
lass ich alli gwünne, scho zum
Vornherein, dänn alles anderi
wäri doch gemein.**

**Samichlaus wie sind mir froh, dass wieder mal zu
Eus chasch cho. Mir wartet s'ganzi Jahr uf ein vo
dinere Art, mit stramme Wädli und emene Bart.
Für eus bisch du de einzig richtig Maa, au wänn
das de Franz sicher nöd wahr wott ha.**

**Endlich ist der Mist
vorbei, jetzt ist
Entspannung angesagt.....**

**Samichlaus du liebe Maa, du häsch guet
lache du chasch de Franz la stah und in
tüüfe, tüüfe Wald zrugg gah.
Aber mir, müend en s^'ganz Jahr dure
wieder ha.**

